

四庫全書

子部

欽定四庫全書

證類本草卷二十

宋 唐慎微 撰

蟲魚部上品總五十種

一十種神農本草經

六種名醫別錄

一種唐本先附

注云唐附

二種今附

皆醫家嘗用有效注云今附

八種食療餘

二十三種陳藏器餘

凡墨蓋子已下並唐慎微續證類

石蜜

蜂子

大黃蜂
土蜂附

蜜蠟

白蠟
附

牡蠣

龜甲

秦龜

續注
蝟蟻

真珠

附今

毒瑁

龜鱉附
今附

桑螵蛸

石決明

海蛤

又蛤

魁蛤

蟲音
禮魚

鮫魚

音
夷

鯽魚

唐附

鯽音善魚

鮑魚

鯉魚

膽

肉骨
齒附

八種食療餘

時魚

黃頰魚

比目魚

鱗魚

鮓鮓魚

鯨魚

黃魚

魴魚

二十三種陳藏器餘

鱖魚

鮓鮓魚

文鵝魚

牛魚

海狍魚

杜父魚

海鷓魚

鮓魚

鞞魚

鱣魚

石鮓魚

魚鮓

魚脂

鱠

昌侯魚

鮓魚

鮓魚

魚虎

鮓魚

鮓魚


諸魚有毒

水龜

瘡龜

十九種神農本草經等

蜜州蜀



上品石蜜味甘平無毒微溫主心腹邪氣諸驚癇瘥安五

藏諸不足益氣補中止痛解毒除衆病和百藥養脾氣

除心煩食飲不下止腸澼肌中疼痛口瘡明目日久服

強志輕身不饑不老延年神仙一名石飴生武都山谷

河源山谷及諸山石中色白如膏者良

陶隱居云石蜜即崖蜜也高山

巖石間作之色青赤味小酸食之心煩其蜂黑色以蜜又木蜜呼為食蜜懸樹枝作之色青白樹空及人家養

作之者亦白而濃厚味美凡蜂作蜜皆取人小便以醱諸花乃得和熟狀似作飴須蘖也又有土蜜於土中作

之色青白味酸今出晋安檀崖者多上蜜云最勝出東陽臨海諸處多木蜜出於潛懷安諸縣多崖蜜亦有雜

木及人家養者例皆被添殆無浮者必須親自看取之
乃無雜爾且又多被煎煮其江南向西諸蜜皆是木蜜
添雜最多不可為藥用道家九餌莫不須之仙方亦單
鍊服之致長生不老也唐本注云上蜜出氏羌中並勝
前說者陶以未見故以南土為證爾今京下白蜜如凝
酥甘美耐久全不用江南者說者今自有以水牛乳煎
沙糖作者亦名石蜜此既蜂作宜去石字後條蠟蜜宜
單稱爾今按陳藏器本草云蜜主牙齒疔腫脣口瘡目
膚赤障殺蟲臣禹錫等謹按陳藏器云按尋常蜜亦有
木中作者亦有土中作者北方地燥多在土中南方地
濕多在木中各隨土地所有而生其蜜一也崖蜜別是
一蜂如陶所說出南方巖嶺間生懸崖上蜂大如蜜蜂
著巖窟以長竿刺令蜜出承取之多者至三四石味醜
色綠入藥用勝於凡蜜蘓恭是荆淮間人池無崖險下
知之者應未傳聞今云石蜜正是巖蜜也宜改為巖字
甘蔗石蜜別出本經張司空云遠方山郡幽僻處出蜜

所著巉巖石壁非攀緣所及惟於山頂藍巒自懸桂下
遂得採取蜂去餘蠟著石鳥雀羣飛來承之盡至春蜂
歸如故大亦占護其處宣州有黃連蜜色黃味苦主目
熱蜂銜黃連花作之西京有梨花蜜色白如疑脂亦藥
花作之各逐所出藥性論云白蜜君治卒心痛及赤白
痢水作蜜醬頓服一椀止又生薑汁蜜各一合水和頓
服之有常服面四花紅神仙方
中甚貴治口瘡浸大青葉含之

圖經曰

蜜本經作石蜜燕恭云當去石字生武都山谷
河源山谷及諸山中今川蜀江南嶺南皆有之

蠟白蠟生武都山谷出於蜜房木石間今處處有之而
宜飲唐鄧伊洛間尤多石蜜即崖蜜也其蜂黑色似蠶
作房於巖崖高峻處或石窟中人不可到但以長竿刺
令蜜出以物承之多者至三四石味醜色綠入藥勝於
它蜜張司空云遠方山郡幽僻處出蜜所著絕巖石壁
非攀緣所及惟於山頂藍巒自出掛下遂得採取蜂去

餘蠟著石鳥有如雀羣飛來啄之殆盡至春蜂歸如舊人亦占護其處謂之蜜塞其鳥謂之靈雀其蜜即今之石蜜也食蜜有兩種一種在山林木上作房一種人家作窠檻收養之其蜂甚小而微黃蜜皆濃厚而味美又近世宣州有黃連蜜色黃味小苦雍洛間有梨花蜜如凝脂亳州太清宮有檜花蜜色小赤南京柘城縣有何首烏蜜色更赤並以蜂採其花作之各隨其花色而性之溫涼亦相近也蠟蜜腴底也初時香嫩重煮乃成藥家應用白蠟更須煎鍊水中凡十數過即白古人荒歲多食蠟以度饑欲敢當合大棗咀嚼即易爛也劉禹錫傳信方云甘少府治脚轉筋魚暴風通身水冷如攤緩者取蠟半斤以舊帛絕絹並得約開五六寸看所患大小加減闊狹先銷蠟塗於帛上看冷熱但不過燒人便承熱纏脚仍須當脚心便着襪裹脚待冷即便易之亦治心躁驚悸如覺是風毒魚裹兩手心

食療

微溫主心腹邪氣諸驚癇補五藏不足氣益中止痛解毒能除衆病和百藥脾氣除心煩悶不

不能飲食洽心肚痛面刺腹痛及赤白痢則生搗地黃汁和蜜一大匙服即下又長服之面如花色仙方中甚貴此物若覺熱四肢不和即服蜜漿一椀甚良又能止腸澼除口瘡明耳目久服不飢又點目中熱膜家養白蜜為上木蜜次之崖蜜更次又治癩可取白蜜一斤生薑二斤搗取汁先秤銅鐺令知斤兩即下蜜於鐺中消之又秤知斤兩下薑汁於蜜中微火煎令薑汁盡秤蜜斤兩在即休藥已成矣患三十年癩者平旦服棗許大一丸一日三服酒飲任下忌生冷醋骨臭物功用甚多世人衆委不能一一具之

雷公云

凡煉蜜一斤只得十二兩半或一分是數若火少火過並用不得

外臺秘要

此歲有病天行斑發瘡頭面及身須叟周匝狀如火瘡皆戴白漿隨決隨生不即療數日

必死差後瘡癩黥一歲方滅此惡毒之氣世人云建武中南陽擊虜仍呼為虜瘡諸醫參詳療之方取好蜜通摩瘡上以蜜煎升麻數數拭之

又方

陰頭生瘡以蜜煎甘草塗之差

肘後方

丹者惡毒之瘡五色無常蜜和乾薑未傳之

葛氏方

目生珠管以蜜塗目中仰卧半日乃可洗之生蜜佳

又方

食諸魚骨骹雜物骹以好蜜匕抄稍稍服之令下

又方

誤吞錢煉服二升即出矣

又方

湯火灼已成瘡白蜜塗之以竹中白膜貼上日三度

梅師方

治年少髮白拔去白髮以白蜜塗毛孔中即生黑者髮不生取梧桐子搗汁塗上必生黑者

又方

肛門主肺肺熱即肛塞腫縮生瘡白蜜一升猪膽一叔相和微火煎令可丸九長三寸作挺塗油內

下部卧令後重煩史通泄

又方

治中熱油燒外痛以白蜜塗之

孫真人食忌云

七月勿食生蜜若食則暴下發霍亂

又方

治面黧取白蜜和茯苓未塗之七日便差矣

食醫心鏡

主意不下食取崖蜜含微微燕下廣利方同

傷寒類要

陽明病自汗者若小便自利此為津液內竭雖爾不可攻之當須自欲大使宜蜜煎導以

通之取蜜七合於銅器中微火煎可丸捻作二
挺如指許大得冷以內穀道中須臾必通矣

產書

治產後渴蜜不計多少
煉過熱水溫調服即差

行義

石蜜嘉祐本草石蜜收蟲部中又見果部新
書取蘓恭說直將石字不用石蜜既目有本條

煎鍊亦自有法今人謂之乳糖則蟲部石蜜自是差誤
不當更言崖蜜也本經以謂白如膏者良山是知石蜜
字乃白蜜子無疑去古既遠亦文字傳寫之誤故今人
尚言白沙蜜蓋經久則陳白而沙新收者惟稀而黃次
條蜜蠟故須別立目蓋是蜜之房攻治亦則至如真蠟
又困于蜜蠟之下此又誤矣本是續上文叙蜜蠟之用
及注所出州士不當更分之為二何者白蠟本條中蓋
不言性味止是言其色白爾既有黃白二色今止言白
蠟是取蠟之精英者其黃蠟直置而不言黃則蠟陳白
則蠟新亦是蜜取陳蠟取新也唐注云除蜜字為佳今

詳之蜜字不可除之即不顯蠟自何處來山蜜多石
中或古木中有經二二年或一得而取之氣味醇厚人
家窠檻中蓄養者則一歲春秋二取之取之既數則蜜
居房中日少氣味不足所以不逮陳白者日月足也雖
收之纔過夏亦醱接若龕於井中近水處則免湯火
傷塗之痛止仍持崖白相和雖無毒多食亦生諸風

蜂子



天定曰草全上可

證類本草

八

峽州蜂子

金匱要略卷之二

卷二十



蜂子味甘平微寒無毒主風頭除蠱毒補腑臟傷中心
腹痛大人小兒腹中五蟲口吐出者面目黃久服令人
光澤好顏色不老輕身益氣

大黃蜂子王心腹眼滿痛乾嘔輕身益氣

土蜂子主癰腫噎

音益
喉也

痛一名蜚零生武都山谷

畏黃芩芍
藥牡蠣陶

隱居云前直云蜂子即應是蜜蜂子也取其未成頭足
時炒食之又酒漬以傅面今面悅白黃蜂則人家屋上
者及窠音侯螽蜂也今按陳藏器本草云蜂子主丹毒
風癰腹內留熱大小便澀去浮血婦人帶下下乳汁血
即蜜房中白如蛹者其穴居者名土蜂最大螫人至死
具子亦大白功用同蜜蜂子也臣禹錫等謹按陳藏器

云按土蜂赤黑色燒末油和傅蜘蛛咬瘡此物能食蜘蛛亦取其相伏也日華子云樹蜂土蜂蜜蜂涼有毒利大小便治婦人帶下病等又有食之者須以冬水及苦蕒生薑紫蘇以制其毒也

圖經曰

蜂本經有蜂子黃蜂土蜂而土蜂下云生武都山谷今處處皆有之蜂子即蜜蜂子也在蜜脾

中如蛹而白色大黃蜂子即人家屋工作房及大木間
賦音侯瓢音婁蜂子也嶺南人亦饌食之蜂並黃色此
蜜蜂更大土蜂子即穴土居者其蜂最大螫人或至死
凡用蜂子並取頭足未成者佳謹按嶺表錄異載宣歙
人取蜂子法大蜂結房於山林間大如巨鍾其中數百
層土人採時須以草衣蔽體以捍其毒螫復以煙火熏
散蜂毋乃敢攀緣崖木斷其帶一房蜂子或五六斗至
一石以鹽炒暴乾寄入京洛以為方物然房中蜂子三
分之一翅足已成則不堪用詳此本上作房蓋傲艱類
也而今宣城蜂子乃拙地取之似土蜂也故郭璞注爾

雅土蠹云今江東呼大蠹在地中作房者為土蠹咬其子即馬蠹荆巴間呼為壇音憚又注木蠹云似土蠹而小在木上作房江東人亦呼木蠹人食其子然則二蜂子皆可食久矣大抵蜂類皆同科其性效不相遠矣

禮記曰

嚼鷄蛭范注云蛭蛭也范蜂也

蜜蠟味甘微溫無毒主下痢膿血補中續絕傷金瘡益氣不飢耐老

白蠟療久洩瀉後重見白膿補絕傷利小兒久服輕身不饑生武都山谷生於蜜房木石間

惡光花齋蛤陶隱居云此蜜皆先以

此為蜜蹠音隻煎蜜亦得之初時極香軟人更煮煉或加少醋酒便黃赤以作燭色為好今藥家皆應用白蠟

但取削之於夏月日暴百日許自然白卒用之亦可
內水中十餘過亦白俗方惟以合療下凡而仙經斷殺
最為要用今人但嚼食方寸者亦一日不饑也唐本注
云除蜜為佳蜜已見食蜜條中也臣禹錫等謹按藥性
論云白蠟使味甘平無毒主妊孕婦人胎動漏下血不
絕欲死以蠟如鷄子大煎消三五沸美酒半升投之服
之差主白髮鑷去消蠟點孔中即生黑者和松脂杏仁
棗肉茯苓等分合成食後服五十九便不饑功用甚多
又云主下痢膿血

圖經

文其石
蜜條下

葛氏方

治犬咬人重發瘡之
火炙蠟灌入瘡中

又方

治狐尿刺人腫痛用熱蠟着瘡
中又烟熏之令汁出即便愈

千金翼

療伐指以蠟相膠相和火炙籠伐指即差

經驗方

湖南押衙顧思退傳頭風掣疼蠟二斤益半斤相和麩羅中熔令相入捏作一甍鑿可合腦大

小搭頭至頭痛立此

集驗方

治雀目如神黃蠟不以多器內熔成汁取出入蛤粉相和得所成毡每用以刀子切下二錢以猪肝二兩批開摻藥在內麻繩扎定水一碗同入銚子內煮熟取出乘熱熏眼至溫令并肝食之日二以平安

為度

姚和衆

治小兒脚凍如有一倉即濃煎蠟塗之

衍義

文具石蜜條下

欽定四庫全書

龍藏本
卷二十一

泉州牡蠣



牡蠣味鹹平微寒無毒主傷寒寒熱溫瘧洒洒驚恚怒
氣除拘緩鼠瘻女子帶下赤白除留熱在關節榮衛虛
熱去來不定煩滿止汗心痛氣結止渴除老血澀大小
腸止大小便療洩精喉痺欬嗽心脅下痞熱久服強骨
節殺邪鬼延年一名蠣蛤一名牡蛤主東海池澤採無
時貝母為之使得甘草牛膝遠志蛇牀良惡麻黃吳茱萸
芡牛蒡陶隱居云是百歲鵬所化以十一月採為好
去肉二百日成今出東海永嘉晉安皆好道家方以左
顧者是雄故名牡蠣右顧則牡蠣爾生著石皆以口在
上舉以腹向南視之口邪向東則是或云以尖頭為左
顧者未詳孰是例以大者為好又出廣州南海亦如此

但多右顧不用爾丹方以泥釜皆除其甲口止取臍肚
如粉處爾俗用亦如之後海人皆以泥煮鹽釜耐水尺
而不破漏今按陳藏器本草云牡蠣搗為粉粉身主大
人小兒盜汗和麻黃根蛇牀子乾薑為粉去陰汗肉煮
食主虛損婦人血氣調中解丹毒肉於薑醋中生食之
主丹毒酒後煩熱止渴天生萬物皆有牡牡惟蠣是鹹
水結成塊然不動陰陽之道何從而生經言牡者應是
維者臣禹錫等謹按蜀本云又有螭音樗螭形短不入
藥用圖經云海中之蚌屬以牡者良今萊州昌陽縣海中
多有二月三月採之藥性論云牡蠣君主治女子崩中
止盜汗除風熱止痛治溫瘧又和杜仲服止盜汗未蜜
丸服三十九令人面光白永不值時氣主鬼交精出病
人虛而多熱如用之并地黃小草孟詵云牡蠣火上炙
令沸去殼食之甚美令人細肌膚美顏色又藥家北來
取左顧者若食之即不揀左右也可長服之海族之中
惟此物最貴北人不識不能表其味爾段成式酉陽雜

組云牡蠣言
壯非謂雄也

圖經曰

牡蠣生東海池澤今海傍皆有之而南海閩中及通泰間尤多此物附石而生蠹相連如房

故名蠣房讀如何房之房一名蠹山晉安人呼為蠹莆初生海邊才拳石四面斬長有一二丈者蘄巖如似山海一房內有蠹肉一塊肉之大小隨房所生大房如馬蹄小者如人指面每潮來則諸房皆開有小蟲入則合之以充腹海人取之皆鑿房以烈火逼開之挑取其肉而其殼左顧者雄右顧者則牡蠣耳或曰以尖頭為左顧大紙以大者為貴十一月採左顧者入藥南人以其肉當食品其味尤美好更有益兼令人細肌膚美顏色海族之最可貴者也

海藥云

按廣州記云出南海水中主男子遺精虛勞
乏損補腎正氣止盜汗去煩熱治傷熱疾能

補養安神治孩子驚癇久服身輕用之灸
令微黃色熟後研令極細人丸散中用

雷公云

有石牡蠣石魚蠣真海牡蠣石牡蠣者頭邊背
大小甲沙石真似牡蠣只是圓如龜殼海牡蠣

使得只是丈夫不得服令人無艷真牡蠣火煨曰炮并
用醫試之隨手提起可認真是萬年珀號曰醫用之妙
凡修事先用二十箇東流水鹽一兩煮一時後
後入火中燒令通赤然後入鉢中研如粉色也

肘後方

大病差後小勞便鼻衄牡蠣十分石膏五分搗
末酒服方寸匕日三四亦可蜜丸如梧子大服

之

經驗方

治一切渴大壯蠣不計多少於臘日端午日黃
泥裏煨通赤放冷取出為末用活鯽魚煎湯調

下一錢七小兒服
半錢匕只兩服差

又方

治一切丈夫婦人瘰癧經効壯癭用炭一秤煨通赤取出於濕地上用紙襯出火毒一宿取四玄參

參三兩都搖羅為末以麵糊丸如梧桐子早晚食後臨卧各三十九酒服藥將服盡瘰癧子亦除根本

又方

除盜汗及陰汗壯癭為未有汗處粉之

勝金方

治甲疽弩肉裏甲膿血疼痛不差壯癭頭厚處生研為末每服二錢研椒花酒調下如雍盛已

潰者以末傅之仍更服藥並一日三服

初虞世

治瘰癧發頸項破未破甚効如神壯癭四兩甘草二兩為末每服一大錢食後膈茶同煎日二

又方

治水癩偏大上下不定疼痛壯癭不限多少鹽泥固濟炭三斤煨令火盡冷取二兩乾薑一兩炮又

為細末用冷水調所塗病處小便大

集驗方

治癰一切腫未成膿拔毒壯螞
白者為細末水調塗乾更塗

傷寒類要

療體疽日晡深嗜
卧壯螞澤瀉主之

衍義曰

壯螞須燒為粉用蕪以麻黃根等分同搗研為
極細末粉盜汗及陰汗本方使生者則自從本

方左顧經中本不言止從陶隱居說其酉陽雜俎已言
壯螞言壯非為雄也且如牡丹豈可更有牡丹也今則
合於地人面向午位以壯螞頂向子視之口口在
左者為左顧此物本無目如此鳥得更有顧矜也

龜甲味鹹甘平有毒主漏下赤白破癥瘕痰皆瘧五痔

陰蝕濕痺四肢重弱小兒顛音信不合頭瘡難燥女子陰

瘡及驚恚氣心腹痛不可久立骨中寒熱傷勞復或肌

肌體寒熱欲死以作湯良久服輕身不饑益氣資智亦使人能食一名神屋生南海池澤及湖水中採無時勿

令中濕中濕即有毒

惡沙參蜚蠊陶隱居云此用水中神龜長一尺二寸者為善厥可以

供卜殺可以充藥亦入仙方用之當灸生龜溺甚療久嗽亦斷瘡肉作羹臠大補而多神靈不可輕殺書家載之甚多此不具說也唐本注云龜取以釀酒主大風緩急四服拘攣或久癱緩不收攝皆差臣禹錫等謹按蜀本注圖經云江河湖水龜也湖州江州交州者皆骨白而厚色分明並堪卜其入藥者得便堪用今所在皆有肉亦堪釀酒也肅炳云殼主風脚弱灸之末酒服藥性論云龜甲畏狗膽無毒燒灰治小兒灸瘡不燥骨帶入山令人不迷血治脫肛亦治脫肛日華子云卜龜小者腹不可十鑽遍者名敗龜治血麻痺入藥酥灸用又

名敗將

圖經

文具奉
龜條下

食療云

温味酸主除温瘴氣風痺身腫踈折又骨帶入山林中令人不迷路其食之法一如鼈法

者也其中黑色者常敢蛇不中食之其殼亦不堪用其
甲能生女人漏下赤白崩中小兒顛不合破癥瘕瘡瘻
療五痔陰蝕濕痺女子陰隱瘡及骨節中寒熱煮汁浴
漬之良又已前都用水中龜不用敢蛇龜五月五日取
頭乾末服之亦令人長遠入山不迷又方十
師處鑽子者莖酥炙細羅酒下二錢療風疾

肘後方

治卒得咳嗽生龜三枚治如食法去腸以水五
升煮取三升以漬麴釀末四升如常法熟飲二

升令盡此
則永斷

經驗方

治產後產前痢敗龜一枚用
米醋炙搗為末米飲調下

孫真人云

治小兒龜背以龜
屎摩背背上差

孫真人食忌

十二月勿食龜肉損
命不可輒食殺人

子母秘錄

令子易產燒龜甲
末酒服方寸

抱樸子


云千歲靈龜五色具焉其雄額上兩骨起似角
以羊血浴之乃則取其甲炙搗服方寸匕日三

盡一具

衍義

文具秦
龜條下

江陵府秦龜



秦龜味苦無毒主除濕痺氣身重四肢關節不可動搖

生山之陰土中二月八月取陶隱居云此即山中龜不入水者形大小無定方藥

不甚用龜類雖多入藥正有兩種爾又有鴛龜小狹長尾乃言療蛇毒以其食蛇故也用以十則吉凶正反帶

秦龜前臙乃到切骨令人入山不迷廣州有蟠于夷切蟻以規切其血甚療佷人毒箭傷唐本注鼈龜腹折見

蛇則呬而食之荆楚之間謂之呬蛇龜也秦龜即蟠蟻是更無別也今按陳藏器本草云龜溺主耳聾滴耳中

差臣禹錫等謹按蜀本圖經云今江南嶺南並有冬月藏土中春夏秋即遊溪谷今據爾雅攝龜即小龜也腹

卜曲折能自開閉好食蛇江東呼為陵龜即夾蛇龜也又靈龜出唐陵郡大甲可以卜似疇喟即蟠蟻龜也一

名靈蟻能鳴今言秦龜即蟠蟻非為通論且陶注蟠蟻但療箭毒則與本注云治不同又陶注秦龜即山中龜

不入水者而云秦龜應以地名為別故也陳藏器云蕪
云秦龜即是蝟螭按蝟螭生海水中生山陰者非蝟螭
矣今秦龜是山中大龜如碑下者食草根竹根深山谷
有之卜人取以占山澤漢書十朋有山龜即是此也揭
取甲亦如蝟螭堪節器物陳士良云蝟龜腹下橫折秦
父呼蝟螭山龜是也肉寒有毒主筋脉凡僕損便取血
作酒食肉生研厚塗立效日華子蝟螭平微毒治中刀
箭悶絕刺血飲便差皮甲名龜皮治血疾若無生血煎
汁代之亦可寶裝飾物又云夾蛇龜小黑中
心折者無用不可食物可搏晉傳蛇毒矣

圖經曰

秦龜山中龜不可水者是也生山之陰土中或
云秦以地稱云生山之陰者是秦地山陰也今

處處有之龜甲水中神龜也生南海池澤及湖水中今
江湖間並皆有之山中龜其形大小無定大者有如碑
趺食草根竹萌冬月藏土中至春而出遊山谷中今市
肆間人或畜養為玩至冬而埋土穴中然藥中稀用卜

人亦取以占山澤揭取其甲亦堪飾器物爾雅所謂山
龜者豈是此歟水中龜其骨白而厚色至分明所以供
卜人及入藥用以長一尺二寸為善爾雅亦有水龜又
一種鼈龜小狹長尾腹下有橫折見蛇則呷而食之江
東人謂之陵龜即爾雅所謂小龜也亦入藥用能療蛇
毒又一種蠪子夷切蠪以規切大甲可以卜即爾雅所
謂靈龜也陶蘓以此為秦龜按嶺表錄異云蠪蠪俗謂
之茲矣蓋山龜之大者人立背上可負而行潮循問甚
多鄉人取殼以生得全者為貴初用木煨出其肉龜被
是毒鴆孔如牛聲動山谷工人以其甲通明黃色者煮
拍陷瑤瑁為器今所謂龜筒者是也據此乃別是一種
山龜未必是此秦龜池其入藥亦以生脫者為工凡龜
之類甚多而時人空復遍識蓋近世貨幣所不用而知
卜術者亦稀惟醫方時用龜甲故爾雅貴矣方書中又
多用敗龜取鑽灼之多者一名漏天機一說入藥須用
神龜神龜底殼當心前有一處四方透明如琥珀色者

是矣其頭方鼓圓脚短者為陽龜形長頭尖脚長者為陰龜陰尺用陽陽人用陰今醫家亦不復如此分別也
又藥中用龜尿最難得孫光憲北夢瑣言載其說云道上陳釗言龜之性妬而與蛇交或雌蛇至有相趨鬪噬力小者或至斃採時取雄龜於瓷盆中或小盤中置之於後以鑑照龜既見鑑中影往往淫發而失尿急以物收取又以紙注火上煇熱以點其尻亦致失尿然不及鑑照之駛也

陳藏器

蝮螞 秦龜 注陶云廣州有蝮螞其血主佺人毒箭按蝮螞人被害毒箭傷煩悶欲死者刮取

血傳處傷此是焦銅及蝮汁毒南人多養用之似龜生海邊有甲文堪為物詬

海藥云

謹按正經云生在廣州山谷其殼味帶苦治婦人赤白漏下破積癰頑風冷痺關節氣壅或經

卜者更妙凡用灸令黃然後入藥中

抱樸子

蝮龜敢蛇南人皆帶蝮龜之尾以辟蛇
蛇中人刮此物以傳之其瘡亦使愈

衍義曰

秦龜即生於秦者秦地山中多老龜極大而壽
龜用即生止秦地有四方皆有之但取秦地所

出大者為勝今河北獨流釣臺甚多取龜筒治療亦入
衆藥止此二種各逐本搯以其靈於物方家故用以補

心然甚

有驗

廉州真珠牡



真珠寒無毒主手足皮膚逆臚鎮心綿裹塞耳主聾傳

面令人潤澤好顏色粉點目中主膚翳障膜今附臣禹錫等謹按

藥性論云真珠君治眼中翳障白膜七寶散用磨翳障亦能墜痰日華子云真珠子安心明月駐顏色也

圖經曰真珠本經不載所出州土今出廉州北海亦有之生於珠牡谷謂之朱母珠牡蚌類也按嶺表

錄異廣州邊海中有洲島嶼上有大池謂之珠地海歲刺史親監珠戶人池採者蚌割取珠以充貢地雖在海

上而人疑其底與海通池水乃淡此不可測也土人採小蚌肉作脯食之往往得細珠如米者乃知此也之蚌

隨大小皆有珠矣而今取珠牡云得之海傍不必是珠池中也其北海珠蚌種類小別人取其肉或有得珠者

但不常有其珠亦不甚光瑩藥中不堪用又蚌屬中有一種似江珧者其腹亦有珠皆不及南海者奇而旦多

而旦多入藥須用新
完未經鑽級者為佳

海藥云

謹按正經云生南海石決明產出也主明目
除面黑止洩合知母療須熱消渴以左纏根

治兒子麩豆瘡入眼蜀中西路女瓜亦出真珠是蚌蛤
產光白甚好不及舶工彩濯次穿須得金剛鑽也為藥

須久研如粉麵方堪服
餌研之不細傷人藏腑

雷公云

須取新淨者以絹袋盛之然後用地榆五花皮
五方草三味各四兩細判了又以牡礪約重四

五斤已來先置於平底鐺中以物四向搯令隱然後著
真味於上子方下判了三件藥籠之以漿水煮三日夜
勿令火歇日滿出之用甘草湯淘之令淨後於口中搗
令細以絹羅重重節過却更研二萬下了用凡使要不
傷破及鑽透
者方可用也

外臺秘要

療子死腹中方真珠二兩為末酒調服盡立出

千金方

治兒胞衣不出苦酒服真珠末一兩

又方

難產取真珠末一兩和酒服之立出

肘後方

卒忤得尸不能言真珠末以鷄冠血和丸小豆大以三四粒內口中

又方

王鎮安魂魄珠蜜方煉真珠如大豆以蜜一蠅殼和服與二豆許日二大宜小兒矣

抱樸子

真珠徑寸已上可服服之可以長久酪漿漬之皆化如水銀亦可以浮石水蜂窠薰化包形蛇

黃合之可以引長三四尺丸服之絕殼得長生

行義曰

真珠小兒驚熱藥中多用河北塘灤中亦有圓及寸者色多微紅珠每與廬州珠每不相類但

清水急流處其色光白水濁
及不流處其色暗餘如經

瑁 瑇



毒瑁寒無毒主解嶺南百藥毒俚人刺其血飲以解諸

藥毒大如帽似龜甲中有文生嶺南海畔山水間臣附

錫等謹按陳士良云瑁瑁身似龜首背如鸚鵡肉平主諸風毒行氣血去膏膈中風疾鎮心脾逐邪熱利大小

腸通婦人經脉甲殼亦似肉同療心風邪解煩熱日華子云破癥結消癰毒止驚癇等疾

圖經曰瑁瑁生嶺南山水間今亦出廣南蓋龜類也惟

生者乃靈帶之亦可以辟蠱毒凡遇飲食有毒則必自搖動死者則不能神矣昔唐嗣薛王之鎮南海海人有

獻生毒瑁者王令揭取一點一小片繫於左臂以辟毒毒瑁甚被楚毒復養於使宅後池伺其揭處復生還

連送舊處並無傷矣今人多用稚龜筒作器皿皆取之又經煮拍生者殊不易得項有自嶺表罷官得生毒瑁

畜養且久搗以北歸北人多有識者又有一種龜鼈亦
瑤瑁之類也其形如笠四足緩胡無指其甲有黑珠文
采亦好但薄而色淺不任作器惟堪
貼飾耳令人謂之鼈皮不入藥用

陳藏器云

大如扇似龜甲
有文餘並同

楊氏產乳


療中蠱毒生玳瑁以水
磨如濃飲服一盞即解

衍義曰

瑤瑁治心經風熱生者入藥蓋性味全也既入
湯火中即不堪用為器物者是矣與生熟犀其

同義

蜀州桑蝶



桑螵蛸味鹹甘平無毒主傷中疝瘕陰痿益精生子女
子血閉腰痛通五淋利小便水道又療男子虛損五藏
氣微夢寐失精遺溺久服益氣養神一名蝕_音尤_音生桑

枝上螳螂子也二月三月採蒸之當火炙不爾令人洩

得龍骨療洩精畏旋覆花陶隱居云俗乎螳螂為蛎音
石螳逢樹便座以桑上者為好是煎得桑皮之津氣市
人恐非真皆令合枝斷取之爾偽者亦以膠著桑枝之
上也臣禹錫事謹按蜀本圖經云此物多在小桑樹上
叢荆棘間並螳螂卵也三月四月中一技出小螳螂數
百枚以熱漿水浸之一伏時焙乾於柳木灰中炮令黃
色用之藥性論云桑螵蛸目畏戴堪主男子腎衰漏精
精自出患虛冷者能止之止小便利火炮令熟空心食

之虛而小使
利加而用之

圖經云

桑蝶蛸螳螂子也本經不載所出州土今在處
有之螳螂逢木便產一枚出子百數多在小木

荆棘間桑上者魚得桑皮之津氣故以為佳而市之貨
者多非真須連枝折之為驗然偽者亦能以膠著桑枝
上人藥不宜也三月四月採蒸過收之亦火炙不爾則
令人洩一法採得便以熱漿水浸一伏時焙乾更於柳
木灰中炮令黃用之爾雅云莫辨戶各切螳螂蚌郭璞
云螳螂有斧蟲江東呼為石蝗又云不過螳丁郎切螳
息詳功螳螂螳螂別名也其子蟬音裨蛸音蓆一名螳
昔莫切螳音焦螳螂郊也古今方漏精及主風藥中多
之用

雷公云

凡使勿用諸雜樹上生者螺螺不入藥中用
凡採覓須桑樹東畔枝上者採得去核子用

沸漿水浸淘七遍令水遍沸於甕鍋中熬令乾用勿亂別修事却無効也

經驗方

治底耳方用桑螵蛸一箇慢火炙及八分熟存性細研入麝香一字為末摻在耳內每用半字

如神如效有膿先用綿包子擦去次後摻藥末入在耳內

產書

治姙娠小便數不禁桑螵蛸十二枚搗為散分作兩服米飲下揚氏產乳同

又方

療小便不通及胞轉桑螵蛸搗末米飲服方寸匕日三

衍義曰

桑螵蛸自採者真市中所售者恐不得盡皆桑上者蜀本圖經浸炮之法不若略蒸過為佳隣

家有一男子小便日數十次如稠米泔色亦白心神恍惚瘦痺食減以女勞得之今服此桑螵蛸散末終一劑而愈安神魂定心志健忘小便數補心氣桑螵蛸遠志葛蒲龍骨人參茯苓當歸龜甲醋炙已上各一兩為末

夜卧人參湯調下二錢如無桑上者即用餘者仍須以
炙桑白皮佐之量多少可也蓋桑白皮行水意以接桑
螵蛸就腎輕用桑螵蛸之意如此然治男女虛損益
精陰痿夢失精遺溺疝瘕小便白濁腎衰不可關也

欽定四庫全書

卷二十

雷州石決明



石決明味鹹平無毒主目障翳痛青音久服益精輕身

生南海

陶隱居云是紫貝定小異亦難得又云是鰓步角切魚甲附石生大者如手明耀五色內亦含

珠人今皆水漬紫貝以熨眼頗能明此一種本亦附見在決明條甲既是異類今為副品也唐本注云此物是

鰓魚甲也附石生狀如蛤惟一片無對七孔者良今俗用者紫貝全別非此類也今注石決明生廣州海畔殼

大者如手小者如三兩指其肉南人皆噉之亦取其殼以水漬洗眼七孔九孔者良卜孔已士者不佳謂是紫

貝及鰓魚甲並誤矣臣禹錫等謹按蜀本云石決明又注云鰓魚主欬嗽散之明日又圖經云今出萊州即

墨縣南海內三月四月採之日華子云石決明涼明目殼磨障翳亦名九孔螺也

圖經曰

石決明生南海今嶺南州郡及萊州皆有之舊說或以為紫貝或以為鰓魚甲按紫貝即今人

一 研螺古人用以為貨帶者殊非此類鯁魚王莽所食者
邊著石光明可愛自是一種與決明相近耳決明殼

天如手小者三兩指海人亦取其肉亦取其
漬水洗眼七孔九孔良十孔者不佳採無時

海藥云

主青育內障 肺風熱骨蒸勞極並良凡用
先以麩裏熱煨然後磨去其外黑處并麈皮

了 攪搗之細羅於乳鉢
中再研如麩方堪用也

雷公云

足使即是真珠母也先去上麈皮用鹽并東流
水於大甕器中煮一伏時了鹿出拭乾搗為末

研如粉却入鍋子中再用五花皮地榆阿膠三件更用
東流水於甕器中如此淘之三度待乾再研一萬匝方
入藥中用凡修事五兩以鹽半分取則第一度煮用地
榆五花皮阿膠各十兩服之十兩永不得食山桃令人
也 喪目

勝金方

治小腸五淋石決明去麤皮甲搗研細石件藥
如有軟鞭物淋即添朽木細末熟水調下二錢


服七

衍義曰

石決明經云味鹹即是肉也人採肉以供鎮及
乾致都下北人遂為珍味肉殼兩可用方家宜

審用之然皆治目殼研水飛
點磨外障腎登萊州甚多

澹州海蛤



海蛤味若鹹平無毒主欬逆上氣喘息煩滿背痛寒熱

療陰痿一名魁蛤生東海

蜀漆為之使畏狗膽甘逆羌花唐本注云此物以細如巨

勝潤澤光淨者好有窟如半杏仁者不入藥用亦謂為純耳蛤窠惡不堪也今按別本注云鴈腹中出者極光

潤王十二水滿急痛利勝光大小腸麤者如半片都李仁不任用亦名狔耳臣禹錫等謹按蜀本圖經云令萊

州即墨縣南海沙湍中四月五月採淘沙取之當以半天河煮五刻然以枸杞子汁和薑竹筒盛蒸一伏時

勿用游波蟲骨似海蛤而面上無花候食之令人狂疾用醋蜜解之即愈吳氏云蛤神農苦岐伯甘扁鵲鹹大

節頭有文如磨齒採無時蕭兩云止消渴潤五藏治服丹石人有瘡藥性論云海蚶亦曰海蛤臣亦名紫薇

味鹹有小毒治水氣浮腫下小便治欬逆上氣主治項下疔癭日華子云治嘔逆陰痿背脊脹急腰痛五痔婦

人崩中帶下病此即鮮蛤子鴈食後糞中出有文彩者者為文蛤無文彩者為海蛤御人久多將海岸邊爛蛤殼被風濤打磨瑩滑者偽作之

圖經曰

海蛤文蛤並生東海今登萊滄州皆有之陶隱居以細如巨勝潤澤光淨者為海蛤云經鴈食

之從糞中出過數多故有光澤也以大而為紫斑文者為文蛤陳藏器以為海蛤是海中閏殼久為風波濤洗自然圓淨此有大小而久遠者為佳不必鴈腹中出也文蛤是未爛時殼猶有文理者此乃新舊不同正一物而二名也然海蛤難得真爛久者海人多以它蛤殼經風濤摩盪瑩滑者偽作之殊無力又有一種游波骨柱類海蛤但少瑩澤誤食之令人狂眩用醋蜜解之則愈本經海蛤一名魁蛤又別有魁蛤條云形正圓兩頭空表有文乃別是一種也按說文曰千歲鶯化為海蛤魁蛤即是伏翼所化故一名伏老並採無時張仲景傷寒

論曰病在陽應以汗解反以冷水灌之若水灌之其熱被却不得去彌更益煩皮上粟起意欲求反不渴者又蛤散主之女蛤五兩一味搗師以沸湯和一方寸匕服湯用五合此方醫家多用殊效

雷公云

凡使物用遊波葦骨其蟲骨真似海蛤只是無面上光其蟲骨誤餌之令人狂走擬投水時

人為之犯鬼心狂並不是緣曾誤餌此蟲骨若服看只以醋解之立差凡修事一兩於漿水中煮一伏時後却以地骨皮栢葉二味又煮一伏時後出於東流水中淘三遍拭乾細搗研如粉然後用凡一兩用地骨皮二兩並細對以東流水淘取用之

行義曰

海蛤文蛤陳藏器所說是今海中無鴈豈有食蛤糞出若蛤殼中有肉時尚可食肉既無焉得

更有糞中過數多者為有皆無康稜乃有是說殊不知風浪日夕淘汰故如是治傷寒汗不溜搖却海蛤川烏

頭各一兩川山甲二兩為末酒糊和丸大一寸許担褊
置所患足心下擘蔥白蓋藥以帛纏定於暖室中取熱
水浸脚至膝上久則水溫又添熱水候遍身
汗出為度凡一二日一次浸脚以知為度

文蛤味鹹平無毒主惡瘡蝕五痔欬逆胃痺腰痛脅急

鼠瘻大孔出血崩中漏下生東海表有文取無時

陶隱居云

海蛤至滑澤云從鴈屎中得之二三十過方為良今人多取相攙令磨蕩似之爾文蛤大小而有紫斑此既異類而同條若別之則數多今以為附見而在副品限也凡有四物如此唐本注云文蛤大者圓三寸小者圓五六分若令婦人以置燕脂者殊非海蛤之類也夫天地間物無非天地間用豈限其數為正副耶今按陳藏器本草云海蛤主水瘡取二兩先研三日漢防已棗肉杏仁二兩葶藶子六兩熬研成脂為丸一服十九利下水

臣禹錫等謹按蜀本圖經云背上有斑文者今出萊州
掖縣南海中三月中旬採蕭炳云出蜜州陳藏器云按
海蛤是海中爛殼久在泥沙風波淘灑自然圓淨有大
有小者久遠為佳亦非一一從鴈復中出也文蛤是未
爛時殼猶有文者此乃新舊為名二物元同一類假如
鴈食蛤殼豈擇文與不文蕪恭此言殊為達至如爛蚬
蚌殼亦有所主與生不同陶云副品正真直矣說文曰
千歲驚化為海蛤一名伏老一名伏翼今亦生子滋
也長

圖

經文具海
蛤條下

千金翼

治急疔蝕口鼻數日盡欲死
燒文蛤灰獵月脂和塗之

衍義

文具海
蛤條下

魁蛤味甘平無毒主痿痺洩痢便膿血一名魁陸一名

活東生東海正圓兩頭空表有文取無時

陶隱居云形似紡軋音絰

小狹長外有縱橫文理云是老蝙蝠化為用之至少而本經海蛤一名魁蛤與此為異也臣禹錫等謹按蜀本

圖經云形圓長似大腹積椰兩頭有孔今出英州


圖經

文具海蛤條下

食療

寒潤五藏治消渴開關節服丹石人食之使人免有瘡腫及熱毒所生也

魚 蠹



蠱

音禮

魚味甘寒無毒主濕痺面目浮腫下大水療五痔

有瘡者不可食令人癢

音藍

白一名鮪音銅魚生九江池澤

取無時

陶隱居云今皆作鱧字舊言是公蠪蛇所變然亦有相生者至難死猶有蛇性合小豆白煮以

療腫滿甚效唐本注云別錄云腸父肝主久敗瘡中蟲諸魚灰並主哽噎也臣禹錫等謹按孟詵云鱧魚下大

小便擁塞氣又作鱧與脚氣風氣人食之效又以大者洗去泥開肚以胡椒末半兩切大蒜三兩題內魚腹中

縫合并和小豆一升煮之臨熟下蘿蔔三五顆如指大切葱一握煮熟空腹服之并豆等強飽盡食之至夜即

洩氣無限三五日更一頓下一切惡氣又十二月作醬良也日華子云鱧魚腸以五味炙貼痔瘻及蝨耐良久

蟲出即去之諸魚中惟此膽甘可食

圖經曰

蠹通作鱧字魚生九江池澤今處處有之陶隱居云為公蠹蛇所變至難死猶有蛇性謹按爾

雅鱧鮫郭璞注云鱧鮫音同也釋者曰鱧鮫也詩小雅云魚麗于鬻鮫鱧毛傳云鱧鮫也正義云諸本或作鱧

鱧音重也陸璣謂鮫即鱧魚也似鱧狹而厚今京東人猶手鱧魚其實一類也據上所說則似今俗間所謂黑

鱧魚者亦至難死形近蛇類浙中人多食之然本經著鱧魚主濕痺下水而黑鱧魚主婦人妊娠千金方有安

胎單用黑鱧魚湯方而本經不言有此功用恐是漏落耳肝腸亦入藥諸魚膽苦惟此膽味甘可食為異也又

下鮑魚條據陶蘓之說乃似今漢沔間所作淡乾魚味辛而臭者蘓又引李當之本草亦言胷中濕者良其以

暴魚不以鹽外雖乾而魚肥故中濕也中濕則彌臭矣一說鮑魚自是一種形似小鱸魚生海中氣最臭秦始

皇取置車中者是也此說雖辨亦無的據素問治血枯雀卵丸飲鮑魚汁以利腸中

外臺秘要

療患腸痔每大便常有血鱧魚鱠薑
齏食之佳任性多少差忌冷毒物

又方

療痔鱧魚腸三具炙令香以綿裹內殺道
中一食頃蟲當出魚腸數易之盡三枚差

食醫心鏡

治十種水氣病不差垂死鱧魚一頭重一
斤已上右熟取汁和冬苾葱白作羹食之

又方

治野鷄病下血不止腸疼痛鱧
魚一頭如食法作鱠蒜齏食之

靈苑方

治急喉閉遠巡不枚者鱧魚膽臘月收陰乾為
末每服少許點患處藥至即差病深則水調灌


之

行義曰

鱧魚今人謂之黑鯉魚道家以謂頭有星為屢
世有知之者往往不敢食又發故疾亦須忌爾

今用之療病亦
止取其一端耳


魚 鮑



魚 鯪

金匱要略卷之二十一

卷二十一



鯪音夷又

魚味甘無毒主百病

陶隱居云此是鯪音題也今人皆呼慈音即是

鮓乃魚切魚作臙食之云補又有鯪魚相似而大又有鮓五回切魚亦相似黃而美益人其合鹿肉及赤目赤鬚無鰓者食之並殺人又有人魚似鯪而有四足聲如小兒食之療痲疾其膏燃之不消耗始皇驪山塚中用之謂之人膏也荆州臨沮青谿至多此魚唐本注云鯪魚一名鮓魚一名鯪魚主水浮腫利小便也臣禹錫等謹按蜀本圖經云有三種口腹俱大者名鯪音護背青而口小者名鮓口小背黃腹白者名鮓名河枕三魚並堪為臙美而且補陳士良云鯪魚暖

圖經曰

鯪音夷又音題魚舊不著所出州上今江浙多有之大首方口背青黑無鱗多涎其類有三陶

隱云即鯪音題魚也鯪即鮓乃魚切魚也又有鯪音護魚相似而大鮓五回切魚亦相似色黃而美三種形性

皆相類而小不同也。鮎亦名鯉。詩小雅云：魚麗于罍，鯉。傳云：鯉，鮎也。爾雅釋魚：鯉，鮎。郭璞注云：今鯉類白魚。鮎別名鯉。江東通呼鮎為鯉是也。今江浙多食之，不可與牛肝合食，令人患風多噎涎。主三消，取生魚延漫黃連作丸，飯後烏梅煎飲下。五七丸，渴便頓減。鮎四季不可食，又不可與野猪肉合食，令人吐瀉。鮎秦人呼為鱣。魚能動痼疾，不可與野鷄野猪肉合食，令人患癩。此三魚大抵寒而有毒，非食品之佳味也。

食療

鮎魚鱧大約相似，主諸補益，無鱗白毒，勿多食，赤目赤鬚者並殺人。

千金翼


治刺傷中毒水，燒魚目灰塗之。

衍義曰

鯉魚形少類鱣，有四足，腹重，陸如囊，身微紫色，嘗剖之中有三小鱗，又有四五小石塊，如指面。

許小魚五七枚，然無鱗與鮎鮠相類，今未見用者。

魚 鯽



鯽魚主諸瘡燒以醬汁和塗之或取猪脂煎用又主腸

癰諸頭灰

臣禹錫等謹按藥對云頭温

主小兒頭瘡口瘡重舌目翳

一名鮒

音父

魚合蓴作羹主胃弱不下食作鱠主久赤白

痢

唐本先附臣禹錫等謹按蜀本云鯽魚味甘温止下痢多食亦不宜人又注云形亦似鯉色黑而體促肚

大而脊隆所在池澤皆有之孟詵云鯽魚平胃氣調中益五藏和蓴作羹食良又鯽魚與鱗其狀頗同味則有

殊鱗是節化鯽是稷米化之其腹上尚有米色寬大者是鯽背高腹狹小者是鱗其功不及鯽魚子謂中益肝

氣爾日華子云鯽魚平無毒温中下氣補不足作鱠療腸水穀不調及赤白痢燒灰以傳惡瘡良又醃白砮燒

灰治腸風血痢頭燒灰療嗽又云子不宜與猪肉同食

圖經曰

鯽魚本經不載所出州土今所在池澤皆有之似鯉魚色黑而體促肚大而脊脊亦有長者至

重二三斤性溫無毒諸魚中最可食或云稷米所化故其腹尚有米色又有一種背高腹狹小者名鱖魚功用亦與鯽同但力差劣耳又黔州有一種重骨石鯽魚亦其類也

陳藏器云

頭主欬嗽燒為末服之肉主虛羸五味熟煮食之鱠亦主赤白痢及五野鷄病

食療

食之平胃氣調中益五藏和導作羹良作鱠食之斷暴下痢和蒜食之有少熱和薑醬食之有少冷

又夏月熱痢可食之多益冬月中則不治也骨燒為灰傳鹽瘡上三五度差謹按其子調中益肝氣凡魚生子皆粘在草上及土中寒冬月水過後亦不傷壞每到五月三伏時雨中便化為魚食鯽魚不得食沙糖令人成疔蟲丹石熱毒發者取芟首和鯽魚作羹食一兩頓即差

聖惠方

治小兒腦疳鼻痒毛髮作穗面黃羸瘦益腦用鯽魚膽滴於鼻中連三五日甚效

外臺秘要

治患腸痔大便常有血食鯽魚羹及隨意任作飽食孫真人同

千金方

小兒頭無髮燒鯽魚未醬沐和傅之

梅師方

鯽魚又可合猪肝食

孫真人

治牙齒疼取鯽魚內益花於吐中燒作灰末傅之即差

又方

三惡核腫不散取鮮鯽魚杆傅之

又方

主脚氣及上氣取鯽魚一又長者作鱠食一兩頓差

食醫心鏡

治脾胃氣冷不能下食虛弱無力鶴突羹鯽魚半斤細切起作鱠沸豉汁熱投之者胡

乾薑蒔蘿搗末
等末空心食之

集驗方

熱病差後百日食五辛者必目暗鯽魚作醃熏之

子母秘錄

治小兒面上忽生瘡黃水出鯽魚頭燒末和醬清汁傳日易之

又方

小兒舟鯽魚肉細切五合小豆搗屑二合和更符如泥和水傳之

楊氏產方

療妊娘時行傷寒鯽魚一頭燒作灰酒服方寸匕汗出差傷寒類要同

又方

中風寒熱腹中絞痛以乾鯽魚一頭燒作末三指撮以苦酒服之溫覆取汗良

衍義曰

鯽魚開其腹內藥燒之治齒

鯽

善音

魚味甘大溫無毒主補中益血療瀯

小審

脣五月五

日取頭骨燒之止痢

陶隱居云鰓是苻苓根化作之又云人髮所化今其腹中自有子不

必蓋之是變化也性熱作暈食之亦補而時行病起食之多復又喜令人霍亂凡此水族魚鰓之類甚多其有

名者已注在前條物皆可化而甚損人故不入藥用又有食之反能致病者今悉注如後說凡魚頭有白色如

連珠至脊上者腹中無膽者頭中無鰓者並殺人魚汁不可合鷓鴣肉食之鰓魚不可合合猴雉肉食之青秋

鰓不可合白犬血食鯉魚子不可合猪肝食之鰓魚之亦爾青魚鮓不可合生胡荽及生葵并麥醬食之鰓無

鬚及腹下通黑及煮之反白皆不可食生鰓繪不可合鷄肉食之亦損人又有鮪音脯鮪音批亦益人尾有毒

療齒痛又有缺烏郎切鮓乙八切魚至能醒酒鰓音侯鹹魚有毒不可食唐本草注云別錄云乾鰓頭主消渴食

不消去冷氣除痞疔其鱓魚繩主竹木屑入目不出穿鮑魚繩亦主眯目去刺煮汁洗之大良也今按陳藏器

本草云鱣魚主濕痺氣補虛損婦人產後淋瀝血氣不
調羸瘦止血除腹中冷氣腸鳴也臣禹錫等謹按蜀本
圖經云似鰻鱺魚而細長亦似蛇而無鱗有青黃二色
生水岸泥窟中所在皆有之孟詵云鱣魚補五藏遠十
二風邪患惡氣人常作腫空腹飽食便以衣蓋身少項
當汗出如白膠汗從腰脚中出候汗盡煖五木湯浴須
慎風一日更三五
日一服并治濕風

陳藏器云

血主癰及瘰斷取血塗之夏月於淺水中
作窟如蛇冬蟄夏出宜臠食之證俗音鱣

魚音善字或作鱣諸書皆以鱣為鱣仍足
魚字殊為誤也風土記云鱣魚夏出冬蟄亦以氣養和
實時節也顏氏家訓云後漢書鸛雀銜三鱣魚音善多
假借作鱣魏武四時食制鱣鱣魚大如五斗軀長一丈
即鱣魚也若如此長大鸛雀不能勝一况三頭乎是鱣
魚誤矣今宜作鱣字作臠當重煮之不可以桑薪煮之

亦蛇類也

聖惠方

治婦人乳結硬疼用鱈魚皮燒灰末空心煖酒調二錢服

行義曰

鱈魚腹下黃世謂之黃鱈此尤動風氣多食令人霍亂屢見之向在師鄰舍一郎官因食黃鱈

遂致霍亂吐利幾至委頓又有白鱈稍麓大色白二者皆亡鱗大者長尺餘其形類蛇但不能陸行然皆動風江陵府西有湖曰西湖每歲夏秋沮河水漲即湖水滿溢冬即復涸土人於乾土下掘得之每及二三尺則有往來鱈行之路中有泥水水涸又下水至復出

鮑魚味辛臭溫無毒主墜墮腰

吐猥切

蹠

音厥

蹠折瘀血

痺在四肢不散女子崩中血不止勿令中鹹陶隱居云所謂鮑魚

之肆言其臭也俗人乎為鮓音衰魚字似鮓又言鹽鮓之以成故也作藥當用少鹽臭者不知正何種魚爾乃言穿貴名亦入藥方家自少用之今此鮓魚乃是鱸也鱸魚長尺許合完淡乾之而都無臭氣要自療漏血不如何者是真唐本注云此說云味辛又言勿令中鹹居是鹹居憶切魚非鮓魚也魚去腸肚繩穿淡暴使乾故辛而不鹹李當之本草亦言宵中濕者良鮓魚肥者胃中便濕又云穿胃繩者彌更不感鮓魚破開鹽裏不暴味鹹不辛又完淹令濕非獨胃中且鮓魚亦臭與鮓別鮓鮓二魚雜魚並用鮓似屍臭以無鹽也鮓臭差微有鹽也鮓魚沔州復州作之餘處皆不識爾本注今考其實上四須乾淡勿令中鹹入別方藥用則以鹽裏之爾臣禹錫等謹按蜀本圖經注云十月後取魚去腸繩穿淡乾之凡魚皆堪食不的取一色也據陶注作藥當用少鹽不知止何種魚爾又經本注云勿令中鹹是知入藥當以鹽繩成之有鹽則中鹹而不臭鹽少則味辛而

臭矣古人云與不善人居如入鮑魚之肆謂惡人之行如鮑魚之臭也考其實則今荆楚淡魚頗臭而微辛方家亦少用舊云沔州復州作之餘皆不出審陶注及圖經與本經即所在皆可作之也又據鯪魚有口小背黃腹白者為鮑魚而療治與鯪魚同補益主百病今圖經既不的取一色可淡乾此之為是也


圖經

文具蠶魚條下

子母秘錄

姪娠中風寒熱腹中絞痛不可針灸乾魚一枚洗末酒服方寸匕取汁

魚 鯉



鯉魚膽味苦寒無毒主目熱赤痛青育明目久服強悍
益志氣

肉味甘主欬逆上氣黃疸止渴生者主水腫脚滿下氣

臣禹錫等謹按大腹水腫通用藥云
鯉魚寒藥對云平陳上良云無毒

骨主女子帶下赤白

齒主石淋生九江池澤取無時

陶隱居云鯉魚最為之
主形既可愛又能神變

乃至飛越山湖所以琴高乘之山上水中有鯉不可食
又鯉鮮不可合小豆藿食之其子合猪肝食亦能害人
爾唐本注云鯉魚骨主陰蝕哽不出血主小兒丹腫及
瘡皮主癭癰腦主諸痢腸主小兒肌瘡今按陳藏器本

草云鯉魚肉主安胎胎動懷妊身腫煮為湯食之破冷氣
痲痺氣塊捩橫闊伏梁作繪以濃蒜齏食之膽主耳
聾滴耳中目為灰研傳刺瘡中風水疼腫汁出即愈諸
魚目並得臣禹錫等謹按藥性論云鯉魚膽亦可單用
味大苦點眼治赤腫腎痛小兒熱腫塗之蜀漆為使魚
燒灰末治效軟糯米煮粥孟詵云鯉魚白煮食之療水
腫脚滿下氣腹有宿瘕不可食又修可去脊上兩筋及
黑血毒故也又大行病後不可食再發即死其在沙石
中者毒多在腦中不得食頭日華子云鯉魚涼有毒肉
治效嗽療脚氣破冷氣痲痺懷妊人胎不安用絹裹鱗
和魚羹熟後去鱗食之驗脂治小兒疔疾驚忤膽治障
翳等腦髓治暴聾煮粥服良諸溪澗中者頭內有毒不
計大小並三
十六鱗也

圖經曰

鯉魚生九江池澤今處處有之即赤鯉魚也箕
脊中鱗一道每鱗上皆有小黑點從頭數至尾

無大小皆三十六鱗古語云五尺之鯉與一寸之鯉大小雖殊而鱗之數等是也又崔豹古今注釋鯉魚有三種兗州人謂赤鯉為玄駒謂白鯉為鯉白驥黃為黃雉蓋諸魚中此為最佳又能神變故多貴之今人食品中以為上味其膽肉骨齒皆入藥古今方書並用之胡洽治中風脚弱短氣腹滿有鯉魚湯方最勝脂血目睛腦髓亦單使治疾惟子不可與肝同食又齒主石淋古今錄驗著其方云鯉魚齒一升篩末以三歲苦酒和分三服宿不食日服一分日中服一分暮服一分差赤鯉魚鱗亦入藥唐方多用治產婦腹痛燒灰酒調服之兼治血氣雜諸藥用之

陳藏器云

鯉魚從脊當中數至尾無大小皆有三十六鱗亦其成數也

食療

膽主除目中赤及熱毒痛點之良肉白煮食之療水腫脚滿下氣腹中有宿瘕不可食害人服天門

冬人亦不可到。在肉中。中風水腫痛者。燒鯉魚眼睛。睛作
灰。內瘡中汁出。即可。謹按魚血。主小兒丹毒。塗之。即差。
魚鱗。燒灰。絕研酒下。方寸破。產婦滯血。脂主癩。食之。良。
腸主小兒腹中瘡。鯉魚鮓。不得和豆。藿葉食之。成瘦。其
不得合。猪肝食之。凡修理。可去脊去兩筋。及黑血。毒故
也。灸鯉魚。切忌烟。不得令。燻着眼。損人眼光。三兩日內
必見驗也。又天行病後。不可食。再發。即死。
其在砂石中者。有毒。多在腦中。不得食頭。

聖惠方

治水氣利小便。除浮腫。用鯉魚一頭。重一斤者。治如食。治修事。食之。

外臺秘要

古今錄療魚。髒骨。撲喉中。六七日。不出。取鯉魚鱗皮。合燒。作屑。以水服之。則出。未出。更服。

又方

療水病。腫鯉魚一頭。極大者。去頭尾。及骨。唯取肉。以水二斗。赤小豆一大升。和魚肉煮。可取二升。已。

上汁生。亦絞去滓。頓服。盡如不能。盡分為二服。後服。溫令暖。服訖。當下利。盡即差。

又方 療癰鯉魚腸切作五段火上炙之洗瘡拭乾以腸封之冷則易自落至旦乾止覺痒開看蟲出差

又方 凡腫已潰未潰者燒鯉魚作灰酢和塗之一切腫上以差為度

又方 療卒淋鯉魚齒燒灰酒服方寸匕

千金方 治暴痢小鯉魚一枚燒為末米飲服之大人小兒俱服得

又方 小兒咽腫喉痺以鯉魚膽二七枚和竈底土以塗咽喉立差

肘後方 療雀目鯉魚膽及腦傳之燥痛即明

食醫心鏡 主上氣欬嗽胃隔妨滯氣喘鯉魚一頭切作繪以薑醋食之蒜薑亦得

又方 主肺欬氣喘促鯉魚一頭重四兩去鱗紙裏火炮去刺研煮粥空腹喫之

子母秘錄

療妊娠傷寒鯉魚一頭燒末屑服方寸匕令汗出魚浴乳無汁

產書

下乳汁燒鯉魚一頭研為末酒調下一錢匕

禮記

食魚去乙魚目旁有骨名如象乙字食之令人體

衍義曰

鯉魚至陰之物也其鱗故三十六陰極則陽復所以多發風熱諸家所解並不言日華子云鯉魚涼今

不取直取問為正萬一風家更使食魚則是貽禍無

矣窮

八種食療餘

時魚平補虛勞稍發痺瘡

全下巨唐 卷二十一
黃賴魚一名缺亂醒酒亦無鱗不益人也

比目魚平補虛益氣力多食稍動氣

鱗魚發疥不可多食

鯀魚有毒不可食之其肝毒煞人緣腹中無膽頭中無顛故知害人若此毒及鱸魚毒者便剉蘆根煮汁飲解之又此魚行水之次或自觸著物即目怒氣脹浮於水上為鷓鴣所食

孫真人食忌

鯀魚勿食
肝殺人

鯨魚平補五藏益筋骨和脾胃多食宜人作鮓尤佳曝
乾煑香美不毒亦不發病

黃魚平有毒發諸氣病不可多食亦發瘡動風不宜和
蕎麥同食令人失音

魴魚調胃氣利五藏和芥子醬食之助肺氣去胃家風
消穀不化者作鱠食助脾氣令人能食患疰痢者不得
食作羹臠食宜人其功與鯽魚同

二十三種陳藏器餘

鱒魚味甘平無毒主益氣補虛令人肥健生江中背如龍長一二丈鼻上肉脯名鹿頭一名鹿肉補虛下氣子如小豆食之肥美殺腹內小蟲

食療

有毒主血淋可煮汁飲之其味雖美而發諸藥毒鮮世人雖重尤不益人服丹石人不可食令人少

氣發一切瘡疥動風氣不與乾笋同食發癰緩風小兒不與食結癥瘕及軟大人久食令人卒痛并使人卒患

腰痛

鱖魚

上逐下題

魚白主竹木入肉經久不出者取白傅瘡上

四邊肉爛即出刺一名鯁

毗切 眇

海藥云

謹按廣州記云生南海無毒主
月蝕瘡陰痿瘡並燒灰用

經驗方

治嘔血鯨長入寸闊二寸炙令黃刮二錢
已來用甘蔗節三十五箇取自然汁調下

文鯨魚

餘招反

無毒婦人臨月帶之令易產亦可臨時燒

為黑末酒下一錢匕出南海大者長許有翅與尾齊一
名飛魚羣飛水上海人候之當有大風吳都賦云文鯨
夜飛而觸網是也

魚無毒主六畜疾疫作乾脯搗為末以水灌之即鼻中
黃涕出亦可置病牛處令其氣相熏生東海頭如牛也

海狔魚味鹹無毒肉主飛尸蠱毒瘴瘧作脯食之一如
水牛肉味小腥耳皮中肪摩惡瘡疥癬痔瘻大馬癩疥
殺蟲生大海中候風潮出形如狔鼻中聲腦上有孔噴
水直上百數為羣人先取得其子繫著水中母自來就
而取之其子如蟲魚子數萬為群常隨母而行亦有江
狔狀如狔鼻中為聲出沒水上海中舟人候之知大風
雨又中有曲脂堪摩病及擣博即明照讀書及作即闇
俗言嬾婦化為此也

杜父魚主小兒差顏差顏核大小也取魚擘開口咬之
七下生溪澗背有刺大頭闊口長二三寸色黑斑如吹
砂而短也

海鷓魚齒無毒主瘡瘡燒令黑味服二錢七魚似鷓有
肉翅能飛上石頭一名石螭一名邵陽魚齒如石版生
東海

鮓魚一作鮓

並音五禾反鮓屬又五回反

味甘平無毒不腥主膀胱

水下開胃作鱠白如雪隋朝吳都進鮓魚乾鱠取快日

曝乾餅盛臨食以布裹水浸良久灑去水如初鱠無異
魚生海中大如石首

圖經

文具
魚條下

鮓魚味甘平無毒主五野鷄痔下血瘀血在腹似馬鞭
尾有兩歧如鞭鞘故名之出江湖

鱣魚肝無毒主惡瘡疥癬勿以鹽炙食郭注爾雅云鱣
魚長二三丈顏氏家訓曰鱣魚純灰色無文古書云有
多用鱣魚字為鱣既長二三丈則非鱣魚明矣本經又

以鱣為鼉此誤深矣今明鱣魚體有三行甲上龍門化為龍也

石鮒

音邨

魚味甘平有小毒主瘡疥癬出南海方山澗中

長一寸背裏腹下赤南人取之作鮓

魚鮓味甘平無毒主癬和柳葉搗碎熱艾傅之又主馬疔瘡取酸臭者和糝及屋上塵傅之疔似疥而大凡鮓皆發瘡疥可合殺蟲瘡藥用之

魚脂主牛疥狗疔瘡塗之立愈脂是和灰泥船者腥臭

為佳又主癥取銅器盛二升作大火炷脂上燃之令煖
癥於癥上熨之以紙籍腹上晝夜勿息火良

鱸味甘溫蒜薑食之溫補去冷氣濕痺除膀胱水喉中
氣結心下酸水腹內伏梁冷痞結癖疝氣補腰脚起陽
道鯽魚鱸主腸澼水穀不調下利小兒大人丹毒風眩
鯉魚鱸主冷氣氣塊結在心腹並宜蒜薑進之魚鱸以
菰菜為羹吳人謂之金羹玉鱸開胃口利大小腸食鱸
不欲近夜食不銷魚飲冷水腹內為蟲時行病起食鱸

令人胃弱又不可同乳酪食之令人霍亂凡羹以蔓菁
煮之蔓菁去魚腥又萬物腦能銷毒所以滄鱠食魚頭
羹

昌侯魚味甘平無毒腹中子有毒令人痢下食其肉肥
健益氣力生南海如鯽魚身正圓無硬骨作炙食之至
美一名昌鼠也

鮫魚無毒主喉閉飛尸取膽和暖水攪服之鮫音患似鯉
生江湖間內喉中飛尸上此膽至苦

鯢魚肝及子有大毒入口爛舌入腹爛腸肉小毒人亦食之煮之不可近鑊當以物懸之一名鵠夷魚以物觸之即嗔腹如氣毬亦名嗔魚腹白背有赤道如印魚目得合與諸魚不同江海中並有之海中者大毒江中者次之人欲收其肝子毒人則當反被其噬為此人皆不錄唯有斂攬木及魚茗木解之次用蘆根烏藍草根汁解之此物毒疾非藥所及斂攬魚茗已出木部

魚虎有毒背上刺著人如蛇咬皮如猬有刺頭如虎也

生南海亦有變為虎者

鯢魚

音拱
鯢子

鯢魚

音同

鼠尾魚地青魚地青鮪魚

鯢鮪
音毗

反音

邵陽魚尾刺人者有大毒三刺中之者死二刺者

困一刺者可以救候人弱處釘之令人陰腫痛拔去即愈海人被其刺毒煮魚簾竹及海獺皮解之已上魚並生南海惣有肉翅尾長二尺刺在尾中逢物以尾撥之食其肉而去其刺其鮪魚已在本經鮪魚注中


鯢魚鰻鱺注陶云鰻鱺能上樹蘓云鯢魚能上樹非鰻

鱧也按鮠魚一名主鮪在山溪中似鮎有四脚長尾能上樹天旱則含水上山葉覆身鳥來飲水因而取之伊洛間亦有聲如小兒啼故曰鮠魚一名鱧魚一名人魚膏燃燭不滅秦始皇塚中用之陶注鮎魚條云人魚即鮠魚也

諸魚有毒者魚目有睫殺人目得開合殺人逆鰓殺久腦中白連珠殺人無鰓殺人二目不同殺人連鱗者殺人白鬚殺人腹下丹字殺人魚鼈大者有毒之殺人

水龜無毒主難產婦戴之亦可臨時燒末酒下出南海
如龜長二三尺兩目在側傍

瘡龜無毒主老瘡發無時者亦名瘡瘡下俚人呼為妖
瘡燒作灰飲服一二錢七當微利取頭燒服彌佳亦候
發時煮為沸湯坐中浸身亦懸安病人卧處生高山石
下身偏頭大甬如鸚鳥亦呼為鸚龜



證類本草卷二十